



窺垣秘術目錄

五法脉証總論

傷寒五法總論

諸切脈法

五法大意

吐法大意

陽明分經腑

陰經分傳中

皮毛筋骨臟腑論

表症捷論

肌肉捷論

半表半裏捷論

傳經裏症捷論

直中裏症捷論

表裏俱見捷論

入門察症總論

察色論

察耳論

察目論

察鼻論

察唇論

察舌論

察胸論

察腹論

察小腹論

脉浮

身痛

發熱

惡寒

目不和

項脊強

頭痛

咳嗽

口不渴大小便如常

尺寸俱長

漱水不欲嚥

胸膈脹滿

耳聾

舌滑

喘

四肢拘急

脉伏

目痛鼻乾

脉不浮不沉

嘔吐

脇痛

頭汗

盜汗

口苦目眩

下利清黃水

潮熱

小便多

轉失氣

即放屁

咽乾齒燥

不得眠

寒熱

脉沉有力

自汗

惡熱

腹痛

下利腸垢

小腹滿

詬語發狂

目不明

頭痛發熱俱止

手足心並腋下出汗

嘔吐青涎沫

背惡寒

脉沉而無力

囊縮

唇甲青

踈臥

多眠

乾嘔

下利清谷

小便清長

四肢厥逆

吐衄

傷寒疑似諸辨症法

少陰發熱而悞
作太陽發熱

有熱厥而作寒厥

瘀血發黃似鬱熱發黃

津液內竭小便
不利悞利小便

太陽脉似少陰

中暑似熱病

太陽腑病似裏證

陰燥似陽燥

有動陰血而作身汗

直中咽痛似傳經咽痛

太陽魚脉似陰脉

熱霍亂而悞作寒霍亂

如狂悞作正狂

辨六經有表宜汗有裏宜下論



窺垣秘術

黃安陳志明養晦甫著

五法脉証總論

風寒傷人皮毛先受必發熱惡寒頭疼身痛或脊強而四肢拘
急或洒淅而咳嗽微喘面色或慘或光脉浮或緩或緊裏則無
病故目舌俱和口中不渴二便如常症屬太陽治當發表 皮
毛不解內傳肌肉經屬陽明必目痛鼻乾而脉長裏本無熱或
唇焦漱水而不嚥治當肌解若自汗口渴齒燥惡熱而不惡寒
乃表邪化熱內傳筋骨治當解熱 肌邪不解傳入軀殼之內

未入臟腑尚在表裏之間經屬少陽必口苦目眩耳聾脇痛寒
熱嘔而舌胎白滑或頭汗盜汗胸中滿而未經下過脉不浮不
沉症屬少陽則宜和解禁汗吐下 三陽邪熱傳入臟腑必口
燥咽乾潮熱便閉臍腹脹滿而硬痛舌胎黃黑而無津或詘語
發狂不得眠而目不明或自利青黃水腸垢或轉矢氣而自汗
或手足心並腋下出汗惡熱或小便多不頭疼而寒熱無脉
沉有力症宜下攻下 寒邪入裡直中三陰不頭疼不發熱唯
惡寒而手足拘急厥冷或嘔吐或吐沫口不渴而腹疼踈臥多

眠小便白長下利清谷身重痛如被杖囊縮唇甲皆青背惡寒
脉沉細而無力救真中用温補以扶陽

傷寒五法總論

或問之曰傷寒為病何以居多予曰春氣温和夏氣暑熱秋氣
清涼冬氣嚴寒此四時正氣之序也皆能傷人而獨寒之傷人
居多者何也蓋冬寒凜冽以其最成殺厲之氣也觸冒之而即
病者名曰傷寒^正或感之輕與人之壯寔者時不即病寒邪藏於
肌肉筋骨之間至春因温氣觸發名曰溫病至夏夏因暑氣觸

發名曰熱病乃因天時之氣以名病約而言之以寒為本蓋寒之傷人也有先太陽至表傳裡者有不由太陽而直中少陰者夫人一身經有十二獨此二經受傷者何也蓋腎與膀胱俱屬水正司冬寒之令故傷寒氣得以侵之是傷寒先入太陽少陰者此也然其為病無常或入於陽或入於陰初無定体若不明辨精切一時卒難下手因將仲景全書反覆潛玩一旦豁然於己以之臨症無有不中愚不自揣遂設立五法漏之成帙一曰發表二曰解肌三曰和解四曰攻裏五曰救裏此五者傷寒之

綱領也凡學者能領畧于此庶幾麻黃承氣用之不差姜附理
中投之必當不特仲景立三百九十七法可坐而得即千變萬
化亦莫能逃乎此矣至於傷寒似症尤多又不可以不辨有少
陰發熱而悞作太陽發熱者有陰極反燥而認誤為陽燥者有熱
厥而作寒厥者有動陰血而作鼻衄者有瘀血發黃而悞作鬱
熱發黃者有直中咽痛而作陽症咽痛者有津液內竭小便不
利而妄利小便者有太陽無脉正當發表而認作死者症者有
太陽症脉似少陰而不發表者有熱霍亂而作寒霍亂者有中

暑而作熱病者有如狂而作正狂者有太陽腑症似裡症者予
復分析於後使之各得其所如是投藥無有不中者矣若表裡
不清脉症混亂汗下一差死生立判豈投劑者真殺人不用及
者也經曰無實實無虛虛遺人夭殃其斯之謂與

諸切脉法

諸浮為在表浮而有力為傷寒浮而無力為傷風諸沉為在裏
沉而有力為傳經裡症沉而無力為直中裡症諸遲為寒主病
在臟諸數為熱主病在腑諸脉人迎大為外感氣口大者為內

傷諸大為病進為邪氣盛諸緩為病退為正氣復諸寸脉遲弱者不可汗諸尺脉細弱者不可下諸脉浮數表症悉具不能飲食者傷寒也諸脉浮數能飲食者腫毒也寸口關上尺中脉偏勝者病也邪氣進也寸口關上尺中脉同等者停也邪氣退也諸發狂詘語脉沉細者死諸厥逆踈卧脉浮洪者生諸汗後脉如前表症仍在者重汗之諸下後脉如前裡症仍在者重下之諸發熱脉浮洪者生諸發熱脉沉細者死諸發汗後脉平靜者生躁亂身熱者死諸脉浮數當發熱而洒淅惡寒若有痛處飲

食如常者蓄積有膿也浮數之脉諸邪在經當洒淅而發熱惡
一身盡痛不欲飲食者傷寒也雖是發熱惡寒而痛偏着一處
蓋寒不能食今飲食如常者勿作傷寒是邪氣鬱於經絡之間
血氣壅遏不直欲蓄積而成癰疽故也問曰脈有陰陽者何也
答曰凡脉大數動滑為陽脉遲沉澁弱弦微為陰凡陰病見陽
脉者生陽病見陰脉者死問曰脉有陽結陰結何以別之答曰
脉浮而數能食不大便實名陽結期十日當劇脉沉而遲不
能食身重大便反硬名陰結期十四日當劇假令寸脉微名陽

不足陰氣上入於陽中則洒淅惡寒也尺脉微弱名陰不足陽
氣下陷於中則發熱也其脉沉而發厥者榮氣微也其脉浮而
汗出如珠衛氣衰也脉藹藹如車蓋者名陽結脉累累如循長
竿者名陰結脉瞤瞤如根上肥者陽氣微也脉縈縈如蜘蛛絲
者陰氣衰也脉來緩時一止復來者名曰促促陰盛則結陽盛則
促此皆病脉也脉弦而大弦則為緊大則為芤弦大相搏此名
為芤婦人則半產漏下男子則亡血失精脉浮而大心下反鞭
有熱屬臟者攻之不令發汗屬腑者不令洩數洩數則大便鞭